

## 開放文學 – 推理探案 – 包公案 – 龍圖公案 第十則 接跡渡

話說徐隆乃劍州人，家甚貧窘，父喪母存，日食不給。有弟徐清，傭工供母。其母見隆不能任力，終日閒遊，時常罵詈，隆覺羞顏。一日，奮然相約知己馮仁，同往雲南生意，一去十數餘年，大獲其利，滿載而歸。歸至本地接跡渡頭，天色將晚，只見昔年渡子張杰將船撐接，兩人笑容拱手，張杰問道：「隆官你去多年不歸，想大利。」徐隆步行負銀力倦，微微答道：「錢雖積些，所得不多。」遂將兩傘、包袱丟入船艙，響聲頗重。張知其從雲南遠歸，其包袱內必是有銀，陡起梟心，將隆一篙打落水中淹死，天晚無人看見。杰將包袱密藏歸家，一時富貴，漸漸買田創屋。杰有子名曰張尤，年登七歲，單請一師誥訓，其師時常對杰稱譽道：「令郎善詩善對。」杰不深信，至端陽日請先生慶賞佳節。飲至中間，杰道：「承先生常譽小兒能為對句，今乃端陽佳節，莫若將此佳節為題以試小兒何如？」先生道：「令郎天資雋雅，聯句何難。」隨口占一聯與之對道：「黃絲係粽，汨羅江上吊忠魂。」張尤沉思半晌，不能答對。杰甚不悅，先生亦覺無顏。

張尤亦羞顏無地，假意廁房出恭，那冤魂就變作一老人在廁房之旁，向張尤道：「你今日為何不悅？」張尤答道：「我被父親叫先生在席上出對考我，甚是難對，故此不悅。」冤魂問道：「對句如何？」尤道：「黃絲係粽，汨羅江上吊忠魂。」冤魂笑道：「此對不難。我為你對之。」尤道：「這等極好。」冤魂對道：「紫竹挑包，接跡渡頭謀遠客。」尤甚歡喜，慌忙奔入席間稟告先生道：「先生所出之對，我今對得。」先生不勝歡悅：「你既對得，可速說來。」答道：「紫竹挑包，接跡渡頭謀遠客。」其父駭然失色。先生道：「對雖對得，不見甚美。」

其父道：「此對必是你請人對的，好好直說出來，免受鞭答。」

其子受逼不過，將其老人代對的事說出。其父問：「這老人今還在廁房否？」尤道：「不知。」杰慌忙奔看不見，心中自疑，此必是渡頭謀死冤魂出現，駭得膽戰心驚，胡言亂語，悉以謀死徐隆的事直告先生，不覺被堂姪張奔竊聽。奔為昔年與杰爭占有仇，次日遂具狀出首。董侯准其狀詞。即差精兵五名密拿張杰赴台拘問。張杰拿至台下，面無人色，手足無措。董侯知其謀害是實，將杰三拷六問。張杰受刑不過，將謀害徐隆事情一一供招，將杰枷鎖人監。次日申明上司，上司包公調問填命，家業盡追入官，妻子逃走不究。